



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Geistliche Hauß-Bibliothec

Das ist/ Allerley heylsame Tractätlein zu sonderbarer Aufferbawung vnnd  
Trost einer Christlichen Seel

**Lohner, Tobias**

**München, 1684**

Vorred.

**urn:nbn:de:hbz:466:1-44828**



Vorred.

**A**ber anderen löblichen Wercken  
 vnnnd Exempeln/ welche die aller-  
 seligste Himel- Königin hinder-  
 lassen hat / ist dises nit das ge-  
 ringste zuschätzen/ daß sie nach Zeugnuß des  
 N. Lucas c. 2. alle Wort/ welche sie gehört/  
 vnnnd ein sonderbares Geheimnuß in sich  
 hielten/ auffß fleissigist gemerckt/ vnnnd in ih-  
 rem Herzen noch weiters betracht hab. Wel-  
 chem Exempel ein gottselige Seel vmb sovil  
 fleissiger nachfolgen soll/ je öfftere Gelegen-  
 heit sie hat/ dergleichen denckwürdige vnnnd  
 trostreiche Wort vnnnd Lehren anzuhören /  
 vnnnd je grösseren Trost vnnnd Frucht sie darauß  
 zuverhoffen hat/ wann sie dieselbe fleissig be-  
 halten/ offte widerholen/ vnnnd in ihrem Herzen  
 fleissig bewegen wird. Diemeil aber die  
 menschliche Gedächtnuß hierzue zuschwach  
 erfunden wird / also wird sie billich durch  
 Mitwürckung der Feder geholffen/ vnnnd sol-  
 che

che denckwürdigeren Lehren in einem hierzu  
verordnetem Büchel (welches derentwegen  
billich ein Denck-Büchel genennet wird)  
verzeichnet / damit man dieselbe zu seiner  
Zeit leichtlich wider in die Gedächtnuß brin-  
gen / vnd zu seinem Nutz vnd Trost brauchen  
können. Damit du aber / O günstiger Les-  
ser wissest / wie solches Büchlein anzuordnen /  
vnd die Lehren selbst auffzuzeichnen seyen /  
hab ich dir allhie ein Formular fürstellen wol-  
len / in welchem du nit allein / wie du solche  
dein Meinung werckstellig machen könnest /  
ersehen! sonder auch das Tractätlein selbst  
an statt eines Denckbüchlein brauchen / vnd  
mit geringer Frucht darauß hoffen könnest.  
Ist also nichts überig / als daß du dasselbe  
fleißig durchlesest / vnd dem gemelten doppel-  
ten Buch darauß zuhoffen dich ernstlich be-  
fleissest.

Denck: